



REPUBLIKA E SHQIPERISË
MINISTRIA E TURIZMIT DHE MJEDISIT
AGJENCIA KOMBËTARE E MJEDISIT
DREJTORIA E SHQYRTIMIT DHE MONITORIMIT TË LEJEVE MJEDISORE DHE VNM

AN151120240004

Tiranë, më 06.12.2024

Komisioni 162

DEKLARATË MJEDISORE

Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM 828, datë: 28.12.2023, për disa ndryshime dhe shtesa në VKM 686, datë: 29.07.2015, “Për miratimin e rregullave, përgjegjesive e afateve, për zhvillimin e procedurës së transferimit të Vendimit e Deklaratës Mjedisore”, të ndryshuar dhe me propozim të Agjencisë Kombëtare të Mjedisit, Ministri

VENDOSI:

Lëshimin e Deklaratës Mjedisore për **Zhvilluesin** me të dhënat si më poshtë:

Personi juridik: “AGHAK CARA” sh.p.k

Nr. NIPT-i: M07508301P

Adresa e selisë: Lagjja nr 6, Rruga e “Patokut”, km.2, ZK 2365, me Pasuri nr.26/17, Laç, Lezhë.

Personi përgjegjës: Preng Cara, Fation Çoba

Për të zhvilluar projektin “**SHFRYTËZIM I MINERALIT TE GURIT GËLQEROR NË OBJEKTIN “LUGU I ZI”**”.

Aplikimi është bërë referuar ligjit Nr. 10 440, date: 7.7.2011 “Për Vlerësimin e Ndikimit në Mjedis”, Shtojca I, “Projektet që i nënshtrohen Proçedurës së Thelluar të Vlerësimit të Ndikimit në Mjedis”, Pika 19. Gurore dhe miniera sipërfaqësore, ku sipërfaqja e vendit është mbi 0,5 hektarë, ose vende për nxjerrjen e torfës, ku sipërfaqja e vendit është mbi 1 hektar.

Vendndodhja: Lugu i Zi, Balldren, Zona minerare Nr.346/8, Bashkia Lezhë.

Të dhëna teknike:

Mbështetur në deklaratimet e AKBN-së

Sipërfaqja e lejes minerare për shfrytëzim është S-0.082 km² ose 8.2 Ha.

Lloji i mineralit: *gur gëlqeror*

(Bashkangjitur vendimit, gjeni aneksin me hartën topografike dhe koordinatat metrike, ku tregohet vendodhja e objektit).

Bazuar në nenin 12, të ligjit nr. 10440, datë 7.7.2011, “Për vlerësimin e ndikimit në mjedis”, i ndryshuar, i sugjerohet autoritetit planifikues:

Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;

Bazuar në pikën 2, të nenit 12, të ligjit nr. 10440, datë 7.7.2011, “Për vlerësimin e ndikimit në mjedis”, të ndryshuar, më poshtë po listojmë:

1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:

Drejtoritë teknike të Ministrisë, shprehin mendimin si më poshtë: Referuar kërkesës së zhvilluesit “AGHAK CARA” sh.p.k. me nr. AN250720240008 aplikimi, datë 25.07.2024 në lidhje me njoftim të procedurës së thelluar të VNM-së për projektin “Shfrytëzim i mineralit te gurit gëlqeror”, me vendndodhje zona minerare NR. 346/8, Objekti “Lugu i Zi”, Balldre, Bashkia Lezhë, Qarku Lezhë, bazuar në pikën 3, të Kreut I, të VKM nr. 686, datë 29.07.2015 “Për miratimin e rregullave, të përgjegjësiive e të afateve për zhvillimin e procedurës së vlerësimit të ndikimit në mjedis (VNM) dhe procedurës së transferimit të vendimit dhe deklaratës mjedisore”, të ndryshuar, drejtoritë teknike të ministrisë sugjerojnë si më poshtë vijon:

Drejtoria e Ekonomisë Qarkulluese shprehet si më poshtë vijon:

- Të zbatohet Ligji nr. 10 463, date 22.09.2011 “Per menaxhimin e integruar të mbetjeve”, të ndryshuar.
- Të respektohen kërkesat e Vendimit të Këshillit të Ministrave nr. 418, date 25.06.2014 “Për grumbullimin e diferencuar të mbetjeve në burim”.
- Mbetjet që do të krijohen, të specifikohen sipas kodeve të Vendimit të Këshillit të Ministrave nr. 402, datë 30.06.2021 “Për miratimin e katalogut të mbetjeve”.
- Transferimi i mbetjeve jo të rrezikshme të shoqërohet me plotësimin e shtojcës 1 të Vendimit të Këshillit të Ministrave nr. 229, datë 23.04.2014, “Për miratimin e rregullave për transferimin e mbetjeve jo të rrezikshme dhe të dokumentit të transferimit të mbetjeve jo të rrezikshme”, të ndryshuar. Në raport citohet VKM e pandryshuar.
- Mbetjet e rrezikshme, të dorëzohen sipas Vendimit të Këshillit të Ministrave nr. 371, date 11.06.2014 “Për përcaktimin e rregullave për dorëzimin e mbetjeve të rrezikshme dhe miratimin e dokumentit të dorëzimit të mbetjeve të rrezikshme”, të ndryshuar. Në raport citohet VKM e pandryshuar.
- Subjekti që do të transportojë ose do të transferojë mbetjet të jetë i pajisur me liçensë III.2.B, si detyrim i nenit 57, të ligjit nr. 10463, date 22.09.2011 “Për menaxhimin e integruar të mbetjeve”.
- Për të gjitha mbetjet nga ambalazhet të zbatohet Vendimi i Këshillit të Ministrave nr. 177, datë 06.03.2012, “Për ambalazhet dhe mbetjet e tyre”, i ndryshuar.
- Gjatë fazës ndërtimore mbetjet inerte të gjeneruara të trajtohen sipas kërkesave të Vendimit të Këshillit të Ministrave nr. 575, datë 24.06.2015 “Për miratimin e kërkesave për menaxhimin e mbetjeve inerte”.

Në veprimtarinë për të cilën aplikon subjekti, menaxhimi i mbetjeve të bëhet sipas parimit të përgjegjshmërisë ndaj mjedisit, në përputhje me VKM nr. 418, datë 27.5.2020 “Për miratimin e Dokumentit të Politikave Strategjike dhe të Planit Kombëtar për Menaxhimin e Integruar të Mbetjeve, 2020-2035”, duke synuar uljen e sasisë së mbetjeve të gjeneruara dhe menaxhimin e integruar të mbetjeve.

Drejtoria e Ndryshimeve Klimatike shprehet si më poshtë vijon:

Me qëllim mbrojtjen e cilësisë së ajrit në mjedis dhe në zbatim të legjisllacionit përkatës për këtë fushë, sugjerohet që gjatë fazës së ushtrimit të aktivitetit, duhet të mbahen në konsideratë rekomandimet e mëposhtme:

- Të respektohen normat e lejuara të shkarkimeve në ajër të ndotësve të gaztë dhe lëndës së ngurtë pezull, në zbatim të VKM-së nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”;

- Të spërkatën rregullisht me ujë rrugët e transportit, për mbajtjen nën kontroll të pluhurformimit, si dhe forcimin e zbatimit të këtyre masave edhe më shumë në kohën e thatë dhe me erë, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”;

- Automjetet transportuese, të mos ngarkohen më shumë së kapaciteti i tyre mbajtës, si dhe të mbulohen me struktura të posaçme, për të shmangur përhapjen e pluhurave dhe derdhjen e materialeve që transportohen, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”.

Gjithashtu me qëllim mbrojtjen e mjedisit, nëse do të ketë përdorim të lëndëve plasëse, përdorimi i tyre të bëhet në përputhje me Ligjin nr. 74/2021 “Për hedhjen në treg dhe mbikëqyrjen e lëndëve plasëse për përdorim civil”.

Në zbatim të legjislacionit përkatës për fushën e ndryshimeve klimatike, sugjerohet që të kryhet rehabilitimi i plotë i sipërfaqeve të gjelbra të dëmtuara si rezultat i ushtrimit të aktivitetit.

Drejtoria e Natyrës dhe Pyjeve shprehet si më poshtë vijon:

Të dy sektorët si i pyjeve ashtu edhe sektori i mbrojtjes së natyrës shprehen kundër miratimit, për arsye si më poshtë vijon:

- në dokumentacion nuk relatohet nëse është patur parasysh pika 6, neni 10, i ligjit 57/2020 “Për pyjet” dhe në mënyrë të veçantë neni 12, i tij;

- nuk parashtrohen dhe saktësohen të dhënat/informacionet sipas legjislacionit në fuqi për përdorimin e sipërfaqes që do të përdoret përherë apo përkohësisht nga projekti (kjo bazuar në VKM nr.686, date 29.7.2015, të ndryshuar dhe VKM 912, datë 11.11.2015 “Për miratimin e metodologjisë kombëtare të procesit të vlerësimit në mjedis), por përshkruan që është sipërfaqe me bimësi të ulët e të rrallë, mungesë të saj, etj.;

Sugjerojmë marrjen e mendimit të AKZM-se dhe institucioneve të tjera lidhur me zhvillimin e projektit.

Agjencia Kombëtare e Burimeve Natyrore shprehet: në shkresën me nr.8369/1 prot, datë 20.09.2024, shprehet si më poshtë vijon:

1.Sipërfaqja e lejes minerare për shfrytëzim është S-0.082 km² ose 8.2 Ha.

Sipërfaqja për heqje nga fondi pyjor është S-0.0477 km² ose 4.7 Ha.

2.Nuk është kryer rehabilitimi i sipërfaqes ekzistuese të shfrytëzuar pasi aktiviteti mineralar i këtij subjekti është në zhvillim.

3.Zona e shpallur nuk ka qenë leje kerkim-zbulimi.

Agjencia Kombëtare e Zonave të Mbrojtura shprehet se: Bazuar në planvendosjen dhe koordinatat e aplikimit, sipërfaqja ku do të zhvillohet aktiviteti: “Shfrytëzim i mineralit të gurit gëlqëror”, Zona Minerare Nr. 346/8, objekti “Lugu i zi”, Balldren Bashkia Lezhë, me zhvillues “AGHAK CARA” dhe aplikues “INNOVATION DEVELOPMENT ENGINEERING”, me nr. Aplikimi AN250720240008, nuk ndodhet brenda rrjetit të zonave të mbrojtura.

Ministria e Infstraktures dhe Energjise shprehet se: Aprovim në heshtje.

Agjencia e Menaxhimit të Burimeve Ujore shprehet: Në përgjigje të kërkesës suaj mbi aplikimin për njoftim për VNM të thelluar të subjektit “INNOVATION DEVELOPMENT ENGINEERING” sh.p.k, me zhvillues subjektin “AGHAK CARA” sh.p.k në lidhje me projektin: “Shfrytëzimi i mineralit të gurit gëlqëror”, me vendndodhje:

Zona minerare nr.346/8, objekti “Lugi i Zi” Balldren, Bashkia Lezhë, me të dhënat: Nr. AN250720240008, të datës 25.07.2024, ju sqarojmë se:

Referuar Planit të Vendosijes së zonës që zhvillohet, si edhe trupave ujqorë të publikuara në Gjeoportalin e ASIG, rezulton se në zonën e planifikuar nga ju për zhvillim ndodhet një përrua (respektivisht përroi Lugut të ZI) si dhe në anën perëndimore kufizohet nga kanal (kanali me Inspire Id ASIG_Hid_KanL_18885).

Në lidhje me përroin, zhvillimi nuk bie ndesh në rast se garantohet respektimi i distancës e përcaktuar sipas germës a), të pikës 6, të Kreut III, të Vendimit nr.748 datë 1.12.2022 të Këshillit të Ministrave “Për përcaktimin e zonës, distancës dhe gjerësisë së brigjeve të burimeve ujqore”, në lumenjtë apo përrenjët ku pjerrësia e profilit gjatësor të shtratit është më e madhe se 10%, zona, distanca dhe gjerësia e bregut është nga vija ujqore deri në vijën e krijuar nga gjurma maksimale e ujit për prurje me probabilitet 1 here ne 100 vjet (P=1%).

Në lidhje me kanalin, mbështetur në përcaktimet e pikës 7, të Kreut III, të Vendimit nr.748 datë 1.12.2022 të Këshillit të Ministrave “Për përcaktimin e zonës, distancës dhe gjerësisë së brigjeve të burimeve ujqore”, zhvillimi konsiderohet që nuk bie ndesh me përcaktimet e legjislacionit për menaxhimin e integruar të burimeve ujqore, në rast se garanton mos cënimin e brigjeve të kanalit, që janë hapësirat që krijohet nga vija ujqore deri në kuotën e sipërme të skarpatës së kanalit.

Gjithashtu ju bëjmë me dije se, nëse subjekti “AGHAK CARA” sh.p.k nuk ka një kontratë për furnizimin me ujë apo për shkarkimin e ujqorave të ndotura me shoqërinë ujësjellës-kanalizime të zonës dhe do të përdorë burimet ujqore për qëllime të tjera që përcaktohen në VKM nr. 550, datë 15.7.2020 (teknologjik, sanitar), ai duhet të aplikojë për leje për furnizimin me ujë dhe shkarkimin e ujqorave nëpërmjet portalit e-Albania, “Aplikim për përdorim burimi ujqor”

Agjencia Rajonale e Mjedisit Shkodër, Lezhë, Kukës shprehet: Pas shqyrtimit te dosjes se VNM se paraqitur nga Subjekti zhvillues: “AGHAK CARA” sh.p.k per veprimtarinë " Shfrytezim i Gurit Gelqeror“ me vendodhje ne Lugu i Zi, Balldren, Bashkia

Lezhe, Qarku Lezhe, ARM-Shkodër, Lezhë, Kukës shprehet parimisht dakord, ne keto kushte sjellim ne vemendje qe subjekti te marre masat qe zhvillimi i projektit te kryhet ne harmoni me mjedisin dhe me ndikim sa me minimal.

- Mbetjet inerte, të gjeneruara gjatë procesit të zbatimit të projektit (dhera), të menaxhohen në përputhje me legjislacionin në fuqi, në bashkëpunim me autoritetet vendore.

- Mbetjet e tjera, të gjeneruara gjatë fazës së punimeve, të cilat duhet të asgjësohen/trajtohen dhe të transportohen vetëm nga një kontraktor i autorizuar I pajisur me Lejet/Licensat përkatëse.

- Të mbulohen mjetet e transportit qe transportojnë dherat dhe materialet e tjerë të ndërtimit dhe të pastrohen para daljes jashtë kantierit.

- Të merren masa të sigurimit teknik që punimet të mos kryhen në oraret e papërshtatme dhe mbi normat e lejuara të zhurmave, si dhe te zbatohet Udhëzimi nr.8 datë 27.11.2007

”Për nivelet kufi të zhurmave në mjedise të caktuara”.

- Ujrat e gjeneruara gjate fazes së ndertimit të trajtohen sipas Ligjit Nr.111/2012 Për menaxhimin e integruar te burimeve ujqore”. Te behet lidhja me sistemin e kanalizimeve te zones.

- Te mos shkarkohet asnje lloj derdhje te mbetjeve inerte jashte territorit te sheshit te projektit.

- Pastrimi i bimesise te jete i kufizuar vetem brenda kufijve ku do te zhvillohet projekti.

2. Informacion për procesin e realizuar të konsultimit me publikun:

Konsultimi me publikun: U krye në datën 12.11.2024. Morën pjesë përfaqësues nga komuniteti i zonës, përfaqësues nga Pushteti Vendor, si dhe nga Agjencia Rajonale e Mjedisit dhe përfaqësues nga studio mjedisore. Në takim është prezantuar projekti, janë dëgjuar sugjerimet e pjesëmarrësve, të cilat do të merren parasysh nga ana e investitorëve, gjatë kohës së shfrytëzimit. Nga ana e investitoreve iu sigurua të pranishmeve që do të merren të gjitha masat për eliminimin e ndikimeve

negative në mjedis, duke mos cënuar jetën e banorëve. Kërkesat e pjesëmarrësve, do të mbahen parasysh, në fazën kur shoqëria do të fillojë procedurat për fazën e shfrytëzimit. Diskutimet e tjera, theksuan më tepër veprimtarinë që do të ushtrohet dhe përfitimet që ka zona dhe komuniteti rreth saj, duke filluar nga përmirsimi i infrastrukturës, punësimi, rritja e të ardhurave etj.

Përfundimisht, të gjithë pjesëmarrësit u shprehën dakort për veprimtarinë e nxjerrjes së mineralit të gurit gëlqeror në zonën minerare nr 346/8, objektin Guri i Zi, Bashkia Lezhë

3. Arsyet dhe konsideratat kryesore, ku është mbështetur mendimi;

Zhvillimi i aktivitetit është në përputhje me:

- Në mendimin e anëtarëve të Komisionit 162, datë 06.12.2024, i mbledhur në zbatim të Urdhërin nr.82, datë 02.05.2024, me nr.4934 prot, për “Krijimin e komisionit teknik për shqyrtimin e kërkesave që i nënshtrohen procedurës paraprake dhe të thelluar të vlerësimit të ndikimit në mjedis”;
- Ne shkresen e leshuar nga MIE nr. prot 4504\1 date 13.06.2024
- Njoftimin për vazhdim procedure për VNM të Thelluar ne komisionin 126 date 01.10.2024.
- Mendimin e Agjencisë Kombëtare të Zonave të Mbrojtura;
- Menidmi i Agjencise Kombëtare te Burimeve Natyrore;
- Mendimi i Agjencia e Menaxhimit të Burimeve Ujore;
- Mendimin e Agjencisë Rajonale të Mjedisit;

4. Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme:

4.1 Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT / Bashkia / Njësi Administrative) dhe akteve ligjore dhe nënligjore në fuqi.

4.2 Ky vendim nuk është leje zhvillimi përfundimtare për zbatimin e këtij projekti, por është një dokument i cili lëshohet me kusht që në rast se do të zhvillohet ky aktivitet, duhet të zbatohet kushtet e vendosura si detyrim që vjen nga Ligji Nr. 10431, datë 9.6.2011 “Për Mbrojtjen e Mjedisit”, si dhe Ligji nr. 10 440, datë 07.07.2011 “Për Vlerësimin e Ndikimit në Mjedis”, të ndryshuar, KREU I, Neni 1, Pika a); KREU II, Neni 7, Pika 1; KREU V, Neni 20, Pika 1.

4.3 Në rast se gjatë punimeve shfaqen elemente të tillë si: objekte kulturi, gjurmë arkeologjike, burime ujore etj, subjekti të ndërpresë punimet dhe të lajmërojë urgjentisht organet kompetente.

4.4 Kjo Deklaratë është e vlefshme pasi subjekti të bëjë heqjen nga Fondi Pyjor, në rast se aktiviteti bie në një të tillë. Të ketë në vëmendje të veçantë referencat kadastrale që preken nga ushtrimi i aktivitetit.

4.5 Në bazë të Ligjit Nr. 81/2017, “Për Zonat e Mbrojtura”, nga zbatuesit e projektit të merren masa që mos të dëmtohen zona me status të vecantë.

Gjatë fazës së instalimit:

4.6 Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore.

4.7 Të instalohet sistemi i eliminimit dhe kapjes së pluhurave, nëpërmjet sprucimit me ujë. (Ky sistem, të detajohet qartë me skica, planimetri etj në aplikimin për Leje Mjedisore)

4.8 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.

- 4.9 Të respektohet distanca nga rruga, gjatë fazës së instalimit dhe kryerjes së punimeve, sipas legjislacionit në fuqi.
- 4.10 Përdorimi i pajisjeve, automjetet, që emetojnë nivele zhurmash brenda normave të lejuara të emetimit 60 – 100 db.
- 4.11 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.
- 4.12 Të sistemohen brenda sipërfaqes së shfrytëzimi të gjitha sterilet e gjeneruara nga shfrytëzimi i karrierës.
- 4.13 Në raste aksidentesh ose defektesh teknologjike që shkaktojnë ndotje të mjedisit, subjekti menjëherë duhet të jap informacion në ARM-në e qarkut përkatës dhe AKM, të cilat bëjnë të mundur njoftimin e popullatës që preket nga ky aksident.
- 4.14 Subjekti të hartojë dhe zbatojë një plan masash lidhur me masat e parandalimit dhe shuarjen e zjarreve në rast aksidentesh nga plasjet për nxjerrjen e materialit.
- 4.15 Të mbillen pemë në të gjithë perimetrin e zonës për të minimizuar ndikimet në mjedis dhe përmirësuar pejsazhin.
- 4.16 Subjekti të kujdeset për menaxhimin e mbetjeve të krijuara gjatë fazës së instalimit, sidomos ato të ambalazhimit, duke i transportuar në mënyrë të rregullt në vend grumbullimit e caktura nga njësia vendore. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”.
- 4.17 Subjekti ka detyrimin e menaxhimit të mbetjeve inerte. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”, dhe transporti të kryhet nga subjekte të licensuara të pajisura me Kod Unik.
- 4.18 Përgjatë gjithë rrugës së brendshme të karrierës (përfshi transhetë), të hapet një kanal ujëmbledhës i orientuar drejt një grope dekantimi, për mbledhjen dhe disiplinimin e ujërave gjatë kohës së shfrytëzimit.
- 4.19 Të bëhet pastrimi i mjeteve të punës para daljes nga kantieri i ndërtimit për të mos shkaktuar ndotje në mjedis.
- 4.20 Të merren masa për mbrojtjen e biodiversitetit të zonës.
- 4.21 Të kihet kujdes treguesit kadastralë të sipërfaqes pyjore/kullosore që do të përdoret për aktivitetin, të jenë vetëm brënda sipërfaqes së miratuar.
- 4.22 Personi përgjegjes teknik për zhvillimin e aktivitetit duhet të jetë i informuar për bazën ligjore të pyjeve në fuqi dhe për zbatimin e tyre.
- 4.23 Subjekti të respektojë kushtet lidhur me mbrojtjen e biodiversitetit, menaxhimin e pyjeve, emetimet në ajër, shkarkimet e ujërave të ndotura, menaxhimin e mbetjeve etj.
- 4.24 Subjekti të respektojë dhe të mbajë parasysh kërkesat dhe kriteret e Ligjit Nr.81/2017 “Për Zonat e Mbrojtura”.
- 4.25 Kompania duhet të respektojë gjithashtu kushtet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 “Për Mbrojtjen e Mjedisit”.
- 4.26 Në përfundim të punimeve, të rehabilitohet zona e shfrytëzuar.
- 4.27 **Duke qënë se gjatë fazës së funksionimit, ky aktivitet do të ketë efekte në mjedis, në bazë të Ligjit Ligj nr. 52/2020, datë 30.4.2020 “Për disa ndryshime në ligjin nr. 10 448, datë 14.7.2011, “Për lejet e mjedisit”, të ndryshuar.**

5. Monitorimi dhe Raportimi

Në bazë të Ligjit Nr. 128/2020 Për disa ndryshime dhe shtesa në Ligjin Nr. 10440, datë: 07.07.2011, “Për Vlerësimin e Ndikimit në Mjedis”, të ndryshuar, Neni 25/1 “Monitorimi dhe vlefshmëria”, zhvilluesi ka detyrimet si më poshtë:

- Zhurma dhe Vibracionet

- Të zbatohen nivelet kufi të zhurmës, referuar Udhëzimit Nr. 8, date 27.11.2007 “Për nivelet kufi të zhurmave në mjedise të caktuara” dhe Ligjit Nr.9774 date 12.07.2007 “Për vleresimin dhe administrimin e zhurmës në mjedis”
- Të merren masa për mbrojtjen e punonjësve nga zhurmat.
- Të merren masat për kufizimin e orareve të punës në kantier.
- Operatori duhet të parandalojë gjenerimin e zhurmës impulsive në zonat e ndjeshme ndaj zhurmës, gjatë operimit të instalimeve.
- Vibrimet në vende të ndjeshme nuk duhet të kalojë 10 mm/s (PPV) në çdo kohë.
- Të bëhet monitorimi i zhurmave për mjediset: automjete/kamiona në hyrje të kantierit, kantier ndërtimi dhe mjedisi urban më i afert me kantierin çdo 6 muaj.

Mjedisi	Vlera kufi e zhurmës dB(A) Leq, T Ditë	Vlera kufi e zhurmës dB(A) Leq, T Mbrëmje	Raportimi në AKM	Periodiciteti
Automjete/kamiona ne hyrje te kantierit	55	45	08.06.2024	Çdo 6 muaj
Kantier ndertimi	55	45	08.06.2024	Çdo 6 muaj
Mjedisi urban me i afert me kantierin	55	45	08.06.2024	Çdo 6 muaj

Tabela e niveleve kufi:

- Shkarkimet në Ajër

- Të zbatohen nivelet kufi të shkarkimeve në ajër, referuar Ligjit Nr. 162/2014 “Për Mbrojtjen e Cilësisë së Ajrit në Mjedis” dhe VKM Nr. 248, datë: 24.03.2003 “Për Miratimin e Normave të Përkohshme të Shkarkimeve në Ajër dhe Zbatimin e tyre”.
- Shkarkimet në ajër të jene brenda normave të lejuara, duke marre masa për reduktimin e tyre.
- Kantieri në të cilin emetohen lëndë grimcore në ajër, duhet të pajiset sipas mundësive teknike dhe mbi bazën e natyrës së procesit, me rrjeta uji / sisteme spërkatje / sisteme heqje pluhurash.
- Të bëhet monitorimi i nivelit të pluhurave në ajër, për mjediset: kantier ndërtimi dhe mjedisi urban më i afert me kantierin çdo 6 muaj.

Tabela e niveleve kufi

Ndotësi	Përqëndrimi	Raportimi në AKM	Periodiciteti
Lënda grimcore (PM _{2.5})	20-25 µg/m ³	08.06.2024	Çdo 6 muaj
PM ₁₀	50 µg/m ³ , 40 µg/m ³	08.06.2024	Çdo 6 muaj

- Cilësia e ujrave

Parametrat që duhet të monitorohen

Ndotësi	Përqëndrimi	Raportimi në AKM	Periodiciteti
Lëndët në pezulli	50 mg/l	08.06.2024	Çdo 6 muaj

- **Subjekti duhet të sjellë pranë AKM-së si më poshtë:**
- Informacion në momentin e fillimit të punimeve.

- Informacion për menaxhimin e mbetjeve inerte. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 “Për miratimin e kërkesave për menaxhimin e mbetjeve inerte”, dhe transporti të kryhet nga subjekte të licensuara, të pajisura me Kod Unik.
- Raportimin periodik për parametrat që do të monitorohen sipas datës së raportimit / çdo 6 muaj.
- Informacion në përfundim të punimeve, lidhur me punimet rehabilituese të territorit përreth, shoqëruar edhe me foto

Afati i Vlefshmërisë

- Vendimi për Deklaratë Mjedisore për projektin e propozuar është e vlefshme për aq kohë sa është i vlefshëm edhe dokumenti i miratimit të zhvillimit për projektin.
- Nëse projekti, që i është nënshtruar procesit të VNM-së, nuk fillon zbatimin në terren brenda 2 vjetëve nga data e miratimit të deklaratës mjedisore apo të vendimit për VNM-në paraprake, atëherë këto dokumente konsiderohen të pavlefshme dhe procesi i VNM-së fillon nga e para.

Në bazë të udhëzimit të MM dhe MF nr. 7938, datë 17.7.2014 “Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së”, ky subjekt ka kryer pagesën 50.000 lekë.

DREJTOR I PËRGJITHSHËM

ARTA DOLLANI

MINISTRI


MIRELA KUMBARO FURXHI

Konceptoi:

Konfirmoi:

Pranoi:

Aneksi 1. Harta me Koordinatat (sipas AKBN)



Nr	X	Y
1	4635802	4385183
2	4636000	4385345
3	4635744	4385569
4	4635567	4385398
Sip = 0.082 km ² ose 8.2 ha		

Nr	X	Y
A	4635893	4385258
B	4636766	4385308
C	4635741	4385401
D	4635665	4385493
2	4636000	4385345
3	4635744	4385569
Sip. = 4.77 ha		